

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2019/1842****2020/EES/74/14****frá 31. október 2019****um reglur um beitingu tilskipunar Evrópuþingsins og ráðsins 2003/87/EB að því er varðar frekari ráðstafanir til að aðlaga úthlutanir losunarheimilda án endurgjalds vegna breytinga á starfsemissstigi (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2003/87/EB frá 13. október 2003 um að koma á fót kerfi fyrir viðskipti með heimildir til losunar gróðurhúsalofttegunda innan Bandalagsins og um breytingu á tilskipun ráðsins 96/61/EB ⁽¹⁾, einkum 21. mgr. 10. gr. a,*og að teknu tilliti til eftirfarandi:*

- 1) Með tilskipun 2003/87/EB var komið á fót kerfi fyrir viðskipti með heimildir til losunar gróðurhúsalofttegunda innan Sambandsins til að stuðla að því að dregið verði úr losun þeirra á kostnaðarhagkvæman og efnahagslega skilvirkan hátt. Í 10. gr. a er kveðið á um úthlutun losunarheimilda án endurgjalds á umbreytingartímabili.
- 2) Í framseldri reglugerð framkvæmdastjórnarinnar (ESB) 2019/331 ⁽²⁾ er mælt fyrir um umbreytingarreglur á vettvangi Sambandsins um samræmda úthlutun losunarheimilda án endurgjalds skv. 10. gr. a í tilskipun 2003/87/EB fyrir fjórða viðskiptatímabilið frá 2021 til 2030.
- 3) Í samræmi við 20. mgr. 10. gr. a í tilskipun 2003/87/EB skal aðlaga á samræmdan hátt úthlutun losunarheimilda án endurgjalds til stöðva sem hafa, eins og metið er samkvæmt hlaupandi meðaltali yfir tvö ár, aukið við eða dregið úr rekstri um meira en 15% samanborið við sögulegt starfsemissstig. Til að framkvæma aðlaganirnar á úthlutun losunarheimilda vegna breytinga á starfsemi þykir rétt, þar eð stöðvum er skipt upp í undirstöðvar í samræmi við 10. gr. framseldrar reglugerðar (ESB) 2019/331, að bera þessar breytingar saman við sögulegt starfsemissstig í undirstöðvum.
- 4) Öflun hágæða gagna, sem eru sannprófuð af óháðum aðila, er nauðsynleg fyrir aðlögun úthlutunar án endurgjalds. Tryggja ætti samræmi í áreiðanleika og gæðum gagna, sem eru vöktuð og gefin er skýrsla um, til að ákvarða endurgjaldslausa úthlutun. Í því skyni ætti að kveða á um sértækar reglur um skýrslugjöf um starfsemissstig í undirstöðvum þar sem tekið er tillit til viðeigandi ákvæða framseldrar reglugerðar (ESB) 2019/331. Gögn, sem aflað er hjá rekstraradilum í samræmi við þessar reglur, ættu að endurspeglar raunverulega starfsemi undirstöðva.
- 5) Rekstraraðilar ættu að gefa árlega skýrslu um gögnin sem krafist er. Gögnin ættu að vera vöktuð í samræmi við kröfur um vöktum skv. 8. gr. framseldrar reglugerðar (ESB) 2019/331.
- 6) Til að tryggja samræmi milli sannprófunar á skýrslum um árlega losun skv. 15. gr. tilskipunar 2003/97/EB og gagna um starfsemissstig, sem og til að nýta samlegðaráhrif, þykir rétt að nota lagarammann sem settur var með ráðstöfunum í samræmi við framkvæmdarreglugerð framkvæmdastjórnarinnar (ESB) 2018/2067 ⁽³⁾.
- 7) Til að koma í veg fyrir að átt sé við kerfið til að aðlaga úthlutanir eða að það sé misnotað, til að komast hjá óþarfa stjórnslubyrði og tryggja að breytingar á úthlutunum séu gerðar á skilvirkan og samræmdan hátt, sem er án mismununar, ættu frekari ráðstafanir til að aðlaga úthlutanir án endurgjalds að gilda um undirstöðvar ef starfsemissstigið hefur aukist eða minnkað um meira en 15% samanborið við sögulegt starfsemissstig. Skilgreina ætti meðalstarfsemissstig sem meðaltalið af árlegu starfsemissstigi tveggja heilla almanaksára í rekstri. Fyrsta ár útreiknings á meðalstarfsemissstigi ætti að vera fyrsta ár hvers úthlutunartímabils. Ef samanburður á sögulegu starfsemissstigi og meðalstarfsemissstigi leiðir í ljós meira en 15% mun ætti að aðlaga endurgjaldslausa úthlutun með nákvæmlega sama hundradshluta og breytingin á starfsemissstiginu nemur. Ef síðari breyting á starfsemissstigi á sér stað síðar innan sama 5% bils, yfir 15%, ætti

(*) Þessi ESB-gerð birtist í Stjtið. ESB L 282, 4.11.2019, bls. 20. Hennar var getið í ákvörðun sameiginlegu EES-nefndarinnar nr. 167/2020 frá 23. október 2020 um breytingu á XX. viðauka (Umhverfismál) við EES-samninginn (bíður birtingar).

(1) Stjtið. ESB L 275, 25.10.2003, bls. 32.

(2) Framseld reglugerð framkvæmdastjórnarinnar (ESB) 2019/331 frá 19. desember 2018 um umbreytingarreglur á vettvangi Sambandsins um samræmda úthlutun losunarheimilda án endurgjalds skv. 10. gr. a í tilskipun Evrópuþingsins og ráðsins 2003/87/EB (Stjtið. ESB L 59, 27.2.2019, bls. 8).

(3) Framkvæmdarreglugerð framkvæmdastjórnarinnar (ESB) 2018/2067 frá 19. desember 2018 um sannprófun á gögnum og um faggildingu sannprófenda samkvæmt tilskipun Evrópuþingsins og ráðsins 2003/87/EB (Stjtið. ESB L 334, 31.12.2018, bls. 94).

úthlutunin að vera áfram sú sama. Ef síðari breytingin fer yfir 5% bilið sem fyrri aðlögunin lenti innan (t.d. 20–25%, 25–30% o.s.frv.) ætti aðlögunin í því tilviki einnig að nema nákvæmlega sama hundradshluta og breytingin á meðalstarfsemissstiginu nemur.

- 8) Til að komast hjá óþarfa stjórnslubyrði ætti að íhuga aðlögun þegar breytingar á starfsemissstigi undirstöðvar leiða til árlegrar aðlögunar á fjölda úthlutana án endurgjalds til viðkomandi undirstöðvar sem nemur 100 losunarheimildum á ári eða þar yfir.
- 9) Til að koma í veg fyrir að átt sé við kerfið eða að það sé misnotað og til að tryggja að breytingar á úthlutunum séu gerðar á skilvirkan og samræmdan hátt, sem er án mismununar, ætti að meðhöndla nýja aðila og nýjar undirstöðvar á sama hátt.
- 10) Samkvæmt 1. mgr. 10. gr. a í tilskipun 2003/87/EB er þess krafist að samræmdar umbreytingarráðstafanir varðandi úthlutun losunarheimilda án endurgjalds fari fram þannig að þær séu hvati til skerðingar á losun gróðurhúsalofttegunda og notkunar á tækni sem stuðlar að orkunýtni. Til að viðhalda hvata til skerðingar á losun þegar frekari ráðstafanir til að aðlaga úthlutanir án endurgjalds til undirstöðva, sem hafa aukið við eða dregið úr rekstri um meira en 15% samanborið við sögulegt starfsemissstig, eru skilgreindar ætti einnig að íhuga aðrar breytingar á rekstri undirstöðva en breytingar á starfsemissstigi. Þar undir ættu að falla endurbætur á orkunýtni, breytingar á hitaveitu, skiptanleiki eldsneytis og raforku, framleiðsla hágæðaíðefna, breytingar á framleiðslu vínýklóríðeinliða sem og orkuendurnýting úrgangslöfttegunda. Til að hámarka slíka hvata til skerðingar á losun þykir rétt að íhuga slíkar breytingar hjá undirstöðvum.
- 11) Til að samræma betur breytingar á framleiðslu og úthlutun án endurgjalds ætti ekki að gefa út losunarheimildir fyrir undirstöðvar, sem tilkynna að rekstri sé hætt, frá og með næsta ári eftir að rekstrinum er hætt.
- 12) Ráðstafanirnar, sem kveðið er á um í þessari reglugerð, eru í samræmi við álit nefndarinnar um loftslagsbreytingar.

SAMÞYKKT REGLUGERÐ ÞESSA:

1. gr.

Gildissvið

Þessi reglugerð gildir um úthlutun losunarheimilda án endurgjalds skv. 10. gr. a í tilskipun 2003/87/EB fyrir viðskiptatímabilið frá 2021 til 2030.

2. gr.

Skilgreiningar

Í þessari reglugerð er merking eftirfarandi hugtaka sem hér segir:

- 1) „meðalstarfsemissstig“: meðaltal tilheyrandi árlegs starfsemissstigs fyrir hverja undirstöð fyrir næstliðin tvö almanaksár á undan framlagningu skýrslunnar sem um getur í 1. mgr. 3. gr.,
- 2) „starfandi stöð“: starfandi stöð og hún er skilgreind í 1. mgr. 2. gr. framseldrar reglugerðar (ESB) 2019/331,
- 3) „undirstöð með varmaviðmiðun“: undirstöð með varmaviðmiðun eins og hún er skilgreind í 3. mgr. 2. gr. framseldrar reglugerðar (ESB) 2019/331,
- 4) „undirstöð með eldsneytisviðmiðun“: undirstöð með eldsneytisviðmiðun eins og hún er skilgreind í 6. mgr. 2. gr. framseldrar reglugerðar (ESB) 2019/331,
- 5) „úthlutunartímabil“: úthlutunartímabil eins og það er skilgreint í 15. mgr. 2. gr. framseldrar reglugerðar (ESB) 2019/331,
- 6) „samstæða“: samstæða eins og hún er skilgreind í 11. mgr. 2. gr. tilskipunar Evrópuþingsins og ráðsins 2013/34/ESB ⁽⁴⁾.

⁽⁴⁾ Tilskipun Evrópuþingsins og ráðsins 2013/34/ESB frá 26. júní 2013 um árleg reikningsskil, samstæðureikningsskil og tilheyrandi skýrslur tiltekinna tegunda fyrirtækja (Stjtfð. ESB L 182, 29.6.2013, bls. 19).

3. gr.

Kröfur um skýrslugjöf

1. Frá og með 2021 skulu rekstraraðilar stöðva, sem hafa fengið úthlutun án endurgjalds í samræmi við 10. gr. a í tilskipun 2003/87/EB fyrir viðskiptatímabilið frá 2021 til 2030, gefa árlega skýrslu um starfsemissstig hvernar undirstöðvar á næstliðnu almanaksári. Á árinu 2021 skal þessi skýrsla innihalda gögn um næstliðin tvö ár á undan framlagningu hennar.

Nýir aðilar geta lagt skýrslurnar, sem um getur í 2. mgr. 5. gr. framseldrar reglugerðar (ESB) 2019/331, fram á næsta ári eftir fyrsta dag rekstrar.

2. Skýrsla um starfsemissstig verður að innihalda upplýsingar um starfsemissstig hvernar undirstöðvar og um hvern þeirra mælipáttar sem tilgreindir eru í 1. lið, að undanskildum c-lið í lið 1.3, og í liðum 2.3 til 2.7 í IV. viðauka við framselda reglugerð (ESB) 2019/331. Skýrslan um starfsemissstig skal einnig innihalda upplýsingar um byggingu samstæðunnar, ef um slíka er að ræða, sem stöðin tilheyrir og hvort einhver af undirstöðvum hefur hætt rekstri.

Lögbært yfirvald getur krafist þess að rekstraraðilar greini einnig frá hvaða viðbótarmælipætti sem er, sem kemur fram í IV. viðauka við framselda reglugerð (ESB) 2019/331, í skýrslunni um starfsemissstig sem um getur í 1. mgr.

3. Leggja skal skýrslu um starfsemissstig fyrir lögbært yfirvald, sem veitir úthlutunina án endurgjalds, eigi síðar en 31. mars ár hvert á árunum 2021 til 2030 nema lögbæra yfirvaldið hafi stýtt tímamörkin fyrir framlagninguna. Hún skal lögð fram ásamt sannprófunarskýrslu um skýrsluna um starfsemissstig sem gefin er út samkvæmt framkvæmdarreglugerð (ESB) 2018/2067.

Aðildarríkjum er heimilt að krefjast framlagningar bráðabirgðaskýrslu um starfsemissstig sem inniheldur allar þær upplýsingar sem eru fyrirliggjandi við framlagninguna. Aðildarríkjum er heimilt að setja tímamörk fyrir framlagningu bráðabirgðaskýrslu um starfsemissstig.

Lögbæru yfirvaldi er heimilt að fresta útgáfu losunarheimilda án endurgjalds til stöðvar þangað til það hefur gengið úr skugga um að ekki sé nauðsynlegt að aðlaga úthlutunina til viðkomandi stöðvar eða þangað til framkvæmdastjórnin hefur samþykkt ákvörðun, í samræmi við 4. mgr. 23. gr. framseldrar reglugerðar (ESB) 2019/331, varðandi aðlaganir á úthlutun til þeirrar stöðvar.

Eftir atvikum skal lögbært yfirvald endurheimta allar umframlosunarheimildir, sem stafa af umframúthlutun, í samræmi við málsmæðferðina sem sett er fram í 4. mgr. 48. gr. framseldrar reglugerðar framkvæmdastjórnarinnar (ESB) 2019/1122 ⁽⁵⁾.

Lögbæru yfirvaldi er heimilt að gera þá kröfu að rekstraraðilar og sannprófundur noti rafræn sniðmát eða sértæk skráasnið fyrir framlagningu skýrslna um starfsemissstig.

4. Lögbært yfirvald skal leggja mat á skýrsluna um starfsemissstig, sem um getur í 1. til 3. mgr. þessarar greinar, í samræmi við kröfurnar í 7. til 12. gr. framseldrar reglugerðar (ESB) 2019/331. Lögbæru yfirvaldi er heimilt að gera varfærnislegt mat á gildi hvaða mælipáttar sem er við einhverjar af eftirfarandi aðstæðum:

- a) rekstraraðilinn hefur ekki lagt fram sannprófaða skýrslu um starfsemissstig innan þeirra tímamarka sem um getur í 3. mgr. og útgáfu losunarheimilda hefur ekki verið frestað,
- b) sannprófað gildi, sem lagt er fram, er ekki í samræmi við þessa reglugerð eða framselda reglugerð (ESB) 2019/331,
- c) skýrsla rekstraraðila um starfsemissstig hefur ekki verið sannprófuð í samræmi við framkvæmdarreglugerð (ESB) 2018/2067.

Lögbært yfirvald skal ekki fjölga úthlutunum til stöðvar á grundvelli mats sem gert var við aðstæður skv. a-lið.

Ef sannprófundinn hefur tekið fram í sannprófunarskýrslunni samkvæmt framkvæmdarreglugerð (ESB) 2018/2067 að fyrir hendi séu óverulegar rangfærslur, sem rekstraraðilinn hefur ekki leiðrétt áður en sannprófunarskýrslan var birt, skal lögbært yfirvald meta þessar rangfærslur og vinna varfærnislegt mat á gildi mælipáttar, ef unnt er. Lögbært yfirvald skal upplýsa rekstraraðila um það hvort og hvaða leiðréttinga á skýrslunni um starfsemissstig sé krafist. Rekstraraðilinn skal gera þessar upplýsingar aðgengilegar sannprófanda.

⁽⁵⁾ Framseld reglugerð framkvæmdastjórnarinnar (ESB) 2019/1122 frá 12. mars 2019 um viðbætur við tilskipun Evrópuþingsins og ráðsins 2003/87/EB að því er varðar rekstur á skrá Sambandsins (Stjtfð. ESB L 177, 2.7.2019, bls. 3).

*4. gr.***Meðalstarfsemissstig**

1. Lögbært yfirvald skal ákvarða meðalstarfsemissstig fyrir hverja undirstöð árlega á grundvelli skýrslanna um starfsemissstig fyrir viðkomandi tveggja ára tímabil.
2. Ekki skal reikna út meðalstarfsemissstig fyrir nýjar undirstöðvar og nýja aðila á fyrstu þremur almanaksárunum í rekstri.

*5. gr.***Aðlaganir á úthlutun án endurgjalds vegna breytinga á starfsemissstigi**

1. Lögbært yfirvald skal árlega bera meðalstarfsemissstig hvernar undirstöðvar, ákvarðað í samræmi við 4. gr., saman við sögulegt starfsemissstig sem var notað upphaflega til að ákvarða úthlutunina án endurgjalds. Þegar algildi mismunarins milli meðalstarfsemissstigs og sögulegs starfsemissstigs viðkomandi undirstöðvar er meira en 15% skal aðlaga úthlutanir án endurgjalds til þeirrar stöðvar. Aðlögunin skal gilda frá og með næsta ári á eftir almanaksárunum tveimur, sem voru notuð til að ákvarða meðalstarfsemissstigið, og að því tilskildu að aðlögunin á árlegum bráðabirgðafjölda losunarheimilda, sem úthlutað er án endurgjalds til undirstöðvarinnar, nemi a.m.k. 100 losunarheimildum. Aðlögunin skal gerð með því að fjölga eða fækka úthlutunum án endurgjalds til viðkomandi undirstöðvar um nákvæmlega sama hundraðshluta og breytingin á meðalstarfsemissstiginu nemur samanborið við sögulega starfsemissstigið sem var notað upphaflega til að ákvarða úthlutunina án endurgjalds.
2. Ef aðlögun, í samræmi við 1. mgr., hefur verið gerð á úthlutunartímabili er einungis hægt að gera frekari aðlaganir ef algildi mismunarins milli meðalstarfsemissstigs og sögulegs starfsemissstigs viðkomandi undirstöðvar fer yfir næsta 5% bil yfir 15% breytinguna, sem olli fyrri aðlögun á úthlutun án endurgjalds til þeirrar stöðvar, með því að fjölga eða fækka úthlutunum án endurgjalds til viðkomandi undirstöðvar um nákvæmlega sama hundraðshluta og breytingin á meðalstarfsemissstiginu nemur, samanborið við sögulega starfsemissstigið sem var notað upphaflega til að ákvarða úthlutunina án endurgjalds, og að því tilskildu að aðlögunin á árlegum bráðabirgðafjölda losunarheimilda, sem er úthlutað án endurgjalds til undirstöðvarinnar, nemi a.m.k. 100 losunarheimildum.
3. Ef hækkun eða lækkun meðalstarfsemissstigs undirstöðvar fer ekki lengur yfir 15%, samanborið við sögulega starfsemissstigið sem var notað upphaflega til að ákvarða úthlutunina án endurgjalds, skal úthlutun losunarheimilda án endurgjalds til þeirrar undirstöðvar vera jöfn upphaflegri úthlutun, sem var ákvörðuð samkvæmt 16. eða 18. gr. framseldrar reglugerðar (ESB) 2019/331, frá og með næsta ári á eftir almanaksárunum tveimur sem voru notuð til að ákvarða meðalstarfsemissstigið.
4. Ef undirstöð er hætt rekstri skal stilla úthlutun án endurgjalds til þeirrar undirstöðvar á núll frá og með næsta ári eftir að rekstrinum er hætt.
5. Ef um er að ræða nýjar undirstöðvar og nýja aðila skal ekki aðlaga úthlutun án endurgjalds á fyrstu þremur almanaksárunum í rekstri. Á fyrsta og öðru almanaksári í rekstri skal úthlutun losunarheimilda án endurgjalds byggjast á starfsemissstigi hvors árs fyrir sig, á þriðja almanaksári í rekstri skal úthlutun losunarheimilda án endurgjalds byggjast á sögulegu starfsemissstigi sem var notað til að ákvarða úthlutun án endurgjalds.
6. Endanlegur árlegur fjöldi losunarheimilda sem er úthlutað án endurgjalds til stöðvar skal vera summa losunarheimilda allra undirstöðva sem er reiknuð út í samræmi við 16. eða 18. gr., eftir því sem við á, framseldrar reglugerðar (ESB) 2019/331.

*6. gr.***Aðrar breytingar á rekstri stöðvar**

1. Ef rekstraraðili sýnir fram á, á grundvelli gagna sem lögð voru fram í skýrslunni um starfsemissstig og allra viðbótargagna sem lögbært yfirvald fór fram á, að lækkun starfsemissstigs undirstöðvar, þar sem fjöldi úthlutana án endurgjalds hefur verið ákvarðaður á grundvelli viðmiðunargildis fyrir varma eða eldsneyti, tengist ekki breytingum á framleiðslumagni undirstöðvarinnar en kemur til vegna aukinnar orkunýtni viðkomandi undirstöðvar í samræmi við 3. mgr. þessarar greinar, samanborið við þá sem byggist á skýrslu um grunn gögn eða skýrslu með gögnum um nýjan aðila, um meira en 15% skal ekki aðlaga úthlutun án endurgjalds.

2. Ef rekstraraðili getur ekki sýnt fram á, að beiðni lögbærs yfirvalds, á grundvelli gagna sem lögð voru fram í skýrslunni um starfsemissstig og allra viðbótargagna sem lögbært yfirvald fór fram á, að lækun starfsemissstigs undirstöðvar, þar sem fjöldi úthlutana hefur verið ákvarðaður á grundvelli viðmiðunargildis fyrir varma eða eldsneyti, tengist breytingum á framleiðslumagni viðkomandi undirstöðvar og kemur ekki til vegna minnkaðrar orkunýtni undirstöðvarinnar í samræmi við 3. mgr. þessarar greinar, samanborið við þá sem byggist á skýrslu um grunnöggn eða skýrslu með gögnum um nýjan aðila, um meira en 15% er lögbæru yfirvaldi heimilt að synja um aðlögun úthlutunar án endurgjalds.

3. Að því er varðar undirstöðvar með varmaviðmiðun og undirstöðvar með eldsneytisviðmiðun skal ákvarða breytingu á orkunýtni með því að bera saman hlutfall varma- eða eldsneytismagns, sem notað er við framleiðslu hvernar vöru, og viðkomandi framleiðslumagn samkvæmt skýrslunni um grunnöggn og eftir að breyting hefur orðið á rekstri undirstöðvarinnar. Slík ákvörðun á orkunýtni skal tekin vegna framleiðslu hvernar vöru sem fellur undir hvern kóða undirstöðvarinnar í vöruskrá ESB í skránni sem um getur í 2. mgr. 2. gr. reglugerðar ráðsins (EBE) nr. 3924/91 ⁽⁶⁾.

Í samræmi við fyrstu undirgrein þessarar greinar skal ákvarða magn af varma og eldsneyti, sem er notað til framleiðslu hvernar vöru, í samræmi við aðferðafræðina sem mælt er fyrir um í áætlun um aðferðafræði við vöktun eins og hún var samþykkt í samræmi við 6. gr. framseldrar reglugerðar (ESB) 2019/331.

4. Ef skýrsla um starfsemissstig, sem lögð er fram skv. 3. gr., bendir til þess að hlaupandi meðaltal tveggja ára fyrir mælipátt, sem er tilgreindur í 16. gr. (5. mgr.), 19., 20., 21. eða 22. gr. framseldrar reglugerðar (ESB) 2019/331, annar en starfsemissstig, hafi breyst um meira en 15% í undirstöð, samanborið við gildin sem voru notuð til að ákvarða upphaflegan fjölda úthlutana án endurgjalds, skal aðlaga úthlutun losunarheimilda án endurgjalds til þeirrar stöðvar frá og með næsta ári á eftir árunum tveimur sem voru notuð til að ákvarða breytinguna á mælipáttunum, að því tilskildu að aðlögunin á árlegum bráðabirgðafjölda losunarheimilda sem er úthlutað án endurgjalds til undirstöðvarinnar, nemi a.m.k. 100 losunarheimildum, með því að fjölga eða fækka úthlutunum án endurgjalds fyrir viðkomandi undirstöð með því að nota sama nýja raungildið fyrir mælipáttinn.

7. gr.

Gildistaka og framkvæmd

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 31. október 2019.

Fyrir hönd framkvæmdastjórnarinnar,

Jean-Claude JUNCKER

forseti.

⁽⁶⁾ Reglugerð ráðsins (EBE) nr. 3924/91 frá 19. desember 1991 um að hefja könnun á iðnaðarframleiðslu í Bandalaginu (Stjúd. EB L 374, 31.12.1991, bls. 1).